



OPĆINA KAKANJ  
Općinski načelnik

MUNICIPALITY OF KAKANJ  
Municipality Mayor

Broj: 02/1-6470 /21  
Kakanj, 27.09.2021. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), te člana 38. i 118. Statuta Općine Kakanj („Službene novine Općine Kakanj“, broj: 4/08), a u vezi sa članom 57. stav (2) Odluke o izvršavanju Budžeta Općine Kakanj za 2021. godinu („Službene novine Općine Kakanj“, broj: 3/21, 7/21 i 9/21), članom 112, 131. i 152. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko – dobojskog kantona“, broj: 13/07, 13/11, 3/15 i 2/16), te članom 11, 54, 68. i 71. Odluke o sprovođenju socijalne zaštite, zaštite civilnih žrtava rata i zaštite porodice sa djecom („Službene novine Općine Kakanj“, broj: 1/08 i 8/14), Općinski načelnik d o n o s i

## ODLUKU

### o subvencioniranju boravka djece u predškolskim ustanovama na području općine Kakanj

#### Član 1.

##### (Predmet)

Ovom odlukom utvrđuje se način i cilj subvencioniranja boravka djece u predškolskim ustanovama, korisnici prava subvencioniranja boravka, uslovi za ostvarivanje prava i procentualni iznosi subvencije, postupak ostvarivanja prava, sredstva za finansiranje realizacije ove odluke, nadležni organi i njihove obaveze, kao i druga pitanja od značaja za subvencioniranje boravka djece u predškolskim ustanovama na području općine Kakanj.

#### Član 2.

##### (Definicije)

- (1) Predškolske ustanove u smislu ove odluke su ustanove registrirane kod nadležnog suda za djelatnost predškolskog odgoja i obrazovanja na području općine Kakanj.
- (2) Boravak djece u predškolskim ustanovama u smislu ove odluke je korištenje usluga odgoja i obrazovanja pruženih djeci od strane predškolskih ustanova.
- (3) Subvencioniranje boravka je potpuno ili djelimično oslobađanje od plaćanja cijene boravka djece u predškolskim ustanovama.
- (4) Cijena boravka djece u predškolskim ustanovama u smislu ove odluke je cijena utvrđena Pravilnikom o formiranju cijena usluga u Javnoj ustanovi za predškolski odgoj i obrazovanje „Mladost“ Kakanj (u daljem tekstu: JU „Mladost“ Kakanj) za jedan mjesec, a koji donosi Upravni odbor JU „Mladost“ Kakanj uz saglasnost Općinskog vijeća.
- (5) Za pojmove koji se koriste u ovoj odluci, a koji nisu posebno definisani ovom odlukom, primjenjivat će se definicije iz Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj: 36/99, 54/04, 39/06, 14/09, 45/16 i 40/18), Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko – dobojskog kantona“, broj: 13/07, 13/11, 3/15 i 2/16), te Odluke o sprovođenju socijalne zaštite, zaštite civilnih žrtava rata i zaštite porodice sa djecom („Službene novine Općine Kakanj“, broj: 1/08 i 8/14).